

M-1: #lanBiziHerriDuina. Burujabetza ezkerretik #M1Duina



Eskualdez eskualde mobilizatuko gara **Maiatzaren Lehenean** eta aukeratutako leloa “**Lan, bizi, herri duina**” izan da.

Mobilizazioak

Lan eta bizi duina bermatzea herritar orori. Horixe izan behar luke herri baten eredu ekonomiko eta sozialaren helburu nagusia, baina, IBEX 35-ak eliteen mesedetan agintzen du beti eta kapitalak prekarietatea zabaltzen jarraitzen du gure lanean eta gure bizitzan.

Bi estatu antidemokratiko ditugu aurrean. Espainia eta Frantzia inboluzio sozial eta politikoa sustatzen ari dira, euskal herritarron gehiengoaren kaltetan. Hamarkadetan lortu ditugun garaipen sozialak kolokan jartzen ari dira: lan eta bizi baldintzak prekarizatzen ari dira; zerbitzu publikoak murrizten; zaintza lanek emakumeen bizkar jarraitzen dute; pentsio sistema publikoa eraitsi nahi dute; sindikalgintza eta bestelako defentsa kolektiborako tresnak indargabetzeko eginahaletan ari dira.

Erasoaldi bortitza da, baina zorionez, inboluzioari aurre egiteko adorea daukagu euskal herritarrek. Pentsiodunen mobilizazio jendetsuak edota martxoaren 8ko greba feminista arrakastatsuak erakutsi dute injustiziei aurre egiteko herri honek duen indarra. Etorkizun justuagoa, demokratikoagoa izateko gogo bizia dago Euskal Herrian.

Aldarrikapen labora eta sozial komunen inguruan indarrak biltzeko garaia da. Lan esparruari dagokionez honako lehentasunak ikusten ditugu, besteak beste:

- 1.200 euroko gutxieneko soldata.
- 35 orduko lanastea; lanaldi partzial inposaturik ez.
- 1.080 euroko gutxieneko pentsioa.
- Gizon eta emakumeen arteko soldata arrakala ezabatu. Zaintza lanak aitortu eta duindu.
- Enplegu publikoa sortu eta publi kazio prozesuak sustatu. Azpikontratetan klausula sozialak ezarri.
- Prekarizazio eta dualizazio formula oro baztertu: soldata-eskala bikoitzak, externalizazioak, pribatizazioak, ustezko autonomoak, iruzurrezko praktikak etab.
- Lanetik etxera bizirik eta osasuntsu bueltatzeko eskubidea. Lan istripuak ekiditeko neurriak. Lan gaixotasunen aitortza eta prebentzioa.

Euskaraz lan egin eta bizitzeko eskubidea.

Lan, bizi eta herri duina ditugu helburu:

Lan duina. Prekarietatearen kontra, enpleguaren defentsan, eta lan eskubideen alde borroka eta greba eredugarri ugari daude piztuak Euskal Herri osoko lantoki ezberdinetan; lantokiz lan- toki aipatutako aldarrikapenen alde borrokan segitzeko prest gara. Alde batetik, patronalak negoziazio kolektiboan ezarritako jokalekuari aurre egitera goaz ekintza sindikal berrituarekin, lan baldintza duinen defentsan, gure hitzarmenen alde; lantokietan jasaten ditugun egoera injustu eta prekarioei buelta emateko langile borroka indartzea beharrezkoa da. Zehaztu ditzagun lehentasunak eta borrokak, antolatu ditzagun grebak eta bestelako ekimenak.

Bizi duina. Euren erantzukizuna eta ardura delako eta horretarako gaitasuna dutelako, Euskal Herriko instituzioei exijitzen diegu gaurdanik herritarrok lan eta bizi baldintza duina izateko erabakiak hartzeko: pentsioak 1.080 eurora bitarte osagarritzea edota Karta Sozialak sustatutako Herri Ekimen Legegileak aldarrikatzen duen bezala, herritar guztiei oinarritzeko errenta eta etxebizitza bermatzea; langileen mesedetan erreforma skal sakona egitea; neurri zehatzak dira, kasuan kasu euskal gobernuak zein aldundiek har ditzaketenak. Herritarren gehiengoaren alde kokatzeko eta jokatzeko,

baina, patronalaren neurriko politikak egiteari utzi behar zaio eta langileekin lerrokatu. Herri duina. Herritarrekin ala patronalarekin egon, 155arekin ala eskubide demokratikoekin egon hautu politikoa da eta aukeratu beharra dago. EAJ, gaur gaurkoz, Confedebarekin eta 155aren sustatzaileekin dago. Elite ekonomiko baten interesak lehenetsi eta herritarrei lan eta bizi baldintza duinak bermatzen ez dien eredu antidemokratikoa da. Madrildik, PP-PSOE-Csen tripartidismo berritua zentralizazioaren aldeko erabakiak hartzen ari da, Euskal Herrian, autogobernua jo-puntuak duten erabakiekin, bertoko hainbat lege indargabetuz. Katalunian egin bezala, subirautza prozesua abiatu asmo duen ororentzat prest dute 155a. Sustatzen dutenen neurriak egindakoa da, eta gurean, lan munduan ere aplikatu digute 155a, bertoko hitzarmenak babesten dituen Akordio Interprofesionalaren inpugnazioarekin.

Erabakitzeko eskubidea eta burujabetza ez dira aldarrikapen abstraktuak, bizimodu duina izango badugu, behar-beharrezkoak ditugu. Estatus politikoen eztabaida irekita dagoen honetan, guk erabaki nahi dugu, Euskal Herrian erabaki, subirautza prozesuan ezkerretik eraginez, herritar, langile orori lan eta bizi duina bermatzeko. Aldaketa sozialerako burujabetza aldarrikatzen dugu. Fase autonomistatik fase soberanistara pasatzeko unea da. Lan Harremanetarako eta Babes Sozialera Euskal Esparrua eraikitzeko, ezkerretik eta feminisमतik eredu sozial eta ekonomiko berria sustatzeko, lan, bizi eta herri duina helburu, Maiatzaren Lehenean, kalera!